



Centar za zastupanje
građanskih interesa

Narativni izvještaj 2023

Centar za zastupanje građanskih interesa
Fondacija CPI

Pripremili: Tim Fondacije CPI

Sarajevo Februar 2024.

NAŠA VIZIJA

Vizija Fondacije CPI je Bosna i Hercegovina kao društvo informiranih, aktivnih građana sa transparentnim i odgovornim javnim sektorom.

NAŠA MISIJA

Naša misija je da prikupljamo, interpretiramo i činimo dostupnim verificirane podatke od javnog interesa, te suradnjom i kreativnim pristupom zagovaramo odgovorno društvo.

<https://www.cpi.ba/>

CPI je nevladina, neprofitna organizacija osnovana 2009. godine, koja se bavi prikupljanjem, analizom i objavljuvanjem podataka od interesa za građane, te njihovom promocijom aktivno podržava izgradnju odgovornog društva.

U dosadašnjim aktivnostima osoblje Fondacije CPI se najviše fokusiralo na zagovaranje transparentnosti budžetskog procesa na svim nivoima vlasti u Bosni i Hercegovini kroz prikupljanje podataka, formiranje baza podataka, istraživanja bazirana na dokazima, zagovaranje po pitanju izmjena zakona o budžetima na svim nivoima vlasti te izradu i uvođenje budžeta za građane u praksu. Bavili smo se pisanjem analiza, preporuka i obukama drugih organizacija civilnog društva za apliciranje na budžetsko finansiranje.

Naši krajnji korisnici su općenito svi građani BiH s obzirom na činjenicu da se transparentnost budžetskog procesa tiče cjelokupne javnosti, ali i podgrupe kao što su, npr., mediji, svi nivoi vlasti u BiH, druga udruženja građana koja se zalažu za transparentnost javnog sektora, kao i ona specijalizirana za pojedine oblasti koje su predmet budžetskog finansiranja.

Tokom 2023 naše osoblje je radilo na jačanju organizaciono-upravljačkih kapaciteta kroz razmjenu znanja i aktivnije djelovanje upravnog odbora. Obzirom na oblasti njihovog rada članovi Upravnog odbora predstavljaju direktnu podršku u ostvarivanju ciljeva Fondacije, te aktivnostima networkinga sa drugim OCD-ima, mrežama i donosiocima odluka.

Zahvaljujući Core finansiranju tokom 2023. ostvarili smo dodatnu stabilnost, kroz vrijeme osoblja koje je posvećeno za razvoj organizacije kroz usmjeravanje na unutrašnje poslove: reorganizaciju, bolje prikupljanje sredstava i efikasnije planiranje aktivnosti.



CPI u 2023. godini

INTERNI RAST I RAZVOJ



Tokom mjeseca marta sudjelovali smo na treningu "Kako pridobiti medije kao saveznike u javnom zagovaranju". Trening je za cilj imao objasniti značaj komunikacije sa medijima, te pružiti znanje iz oblasti pravilnog pisanja saopštenja za medije i izjava, kao i kako uspješno obaviti intervjue za medije. Također, dio obuke se odnosio na lobiranje i izvještavanje o aktivnostima i rezultatima aktivnosti putem društvenih mreža putem storytellinga.

Prisustvovali smo sastanku "Budget accountability in Western Balkans + Turkey: The Open Budget Survey 2023" održanom 10.5. sa predstvincima EU delegacije i IBP-a.

Prisustvovali smo sastanku Partnerstva za otvorenu vlast 08.05.2023.

Ispred Fondacije prisustvovali smo okruglom stolu „Prkos korupciji uprkos odmazdi: Kako do bolje zaštite zvizdača u Bosni i Hercegovini?“ za međunarodni dan zviždača 23.06.2023.

Prošli smo kroz dvodnevnu obuku za monitoring javnih nabavki za organizacije civilnog društva u organizaciji TI. Obuka se bavi izmjenama zakona o javnim nabavkama te planiraju daljih aktivnosti alijanse na projektu „Pratimo tendere“.

Tokom mjeseca septembra smo prošli kroz dvodnevni trening SMART Balkan projekta – izvještavanje orijentirano ka rezultatima.

U mjesecu decembru prisustvovali smo konferenciji: „Između percepcije i institucionalnog odgovora: Suočavanje s korupcijom kroz zakone i praksu“

U oktobru smo sudjelovali na seminarima Internacionalnog budžetskog partnerstva pod nazivima:

- Nove granice otvorenosti: unapređenje budžetske transparentnosti i odgovornosti u regionu Bliskog istoka i Severne Afrike
- Nove granice otvorenosti: unapređenje budžetske transparentnosti i odgovornosti u regionu MENA

Učestvovali smo u radu druge po redu Civilke na temu „Koje organizacije, koji milioni?“, održane u decembru u Sarajevu.

U cilju boljeg umrežavanje pristupili smo UNLEASH platformi <https://unleashcommunity.org/> koja povezuje UN mlade inovatore posvećene Održivim ciljevima razvoja (SDGs).



SMART Balkans – Civilno društvo za povezan Zapadni Balkan

Centar za promociju civilnog društva – CPCD, zajedno sa partnerskim organizacijama iz Albanije – Institut za demokratiju i medijaciju (Institute for Democracy and Mediation – IDM) i Sjeverne Makedonije – Centar za istraživanje i kreiranje politike (Center for Research and Policy Making (CRPM), realizuje projekat pod nazivom SMART Balkans – Civilno društvo za povezan Zapadni Balkan, koji doprinosi jačanju participativnih demokratija i euroatlantskih integracija na Zapadnom Balkanu kroz osnaživanje organizacija civilnog društva i mreža OCD za jaču i aktivniju ulogu u stvaranju mirnih i inkluzivnih društava za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji.

Fondacija CPI je dobitnik Smart Balkans Core granta koji je usmjeren na osnaživanje našeg osoblja i finansijsku stabilnost poslovanja.

Zašto povezano društvo na Zapadnom Balkanu?

Region Zapadnog Balkana je u posljednjih nekoliko godina obilježen masovnim odlascima stanovništva. Loša perspektiva za mlade, raširena korupcija na svim nivoima vlasti, nizak životni standard i politička nestabilnost samo su neki od izazova sa kojima se suočavaju ljudi u regionu. Mnogi do odlaska iz domovine ne mogu da nađu posao za koji su se sami školovali, a kada žele, pomažu im i drugi ljudi sa Zapadnog Balkana u inostranstvu. Dakle, postavlja se pitanje – ako možemo da sarađujemo u inostranstvu, zašto ne i kod kuće? Odgovor je u nezainteresovanosti onih koji su odgovorni za stvaranje boljeg života običnih ljudi. Podjeljeno društvo je društvo kojim se lako manipuliše i sa vrlo malo kompetencija. Zato je dužnost civilnog sektora u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji da bude ta spona između zemalja koja će nam omogućiti da budemo uspješni u zemlji kao i u inostranstvu, a samim tim i izgraditi temelje za bolju budućnost za cijeli Zapadni Balkan.



ISTRAŽIVANJA

Istraživanja otvorenosti budžeta (Open Budget Survey) za Bosnu i Hercegovinu

Istraživanje otvorenosti budžeta (Open Budget Survey) je nezavisno, komparativno i redovito mjerenu tri stuba odgovornosti javnih budžeta: transparentnosti, nadzora i učešća javnosti. Ovo istraživanje provodimo u saradnji sa organizacijom International Budget Partnership. Ovim istraživanjem se u svakoj zemlji mjeri otvorenost budžetskog procesa centralne vlade, tako da je u našoj zemlji obuhvaćen budžet na nivou institucija BiH kojim upravlja Ministarstvo finansija i trezora Bosne i Hercegovine.

Sama transparentnost je nedovoljna za poboljšanje državne uprave, stoga OBS procjenjuje i formalne prilike koje stoje na raspolaganju građanima da na smislen način učestvuju u različitim fazama budžetskog procesa. Takve prilike bi izvršna i zakonodavna vlast, te Ured za reviziju trebali pružati tokom cijelog budžetskog ciklusa. Tokom 2023 kompletirali smo ciklus Istraživanja Otvorenosti Budžeta za BiH a koje ćemo predstaviti i promovirati u maju 2024. <https://internationalbudget.org/open-budget-survey/>

Transparentnost budžeta (otvoreni budžet) podrazumijeva mogućnost građana da dobiju informacije o budžetu koje su potpune, bitne, tačne, pravovremene i predstavljene na razumljiv način. Manjak transparentnosti u ovome području može dovesti do odabira nepopularnih i neprikladnih programa, te korumpiranog i rastrošnjog trošenja. Otvoreni budžet štiti od rasipanja, prevare i zlouporabe, a također i omogućuje građanima da se uključe u ovaj proces i pozivaju vlasti na odgovornost, a što u konačnici doprinosi jačanju povjerenja u političke procese.

Buduće se 145 pitanja (od ukupno 228), od čega 109 pitanja procjenjuje javnu dostupnost budžetskih informacija, 18 pitanja procjenjuje prilike za učešće javnosti u budžetskom procesu, i 18 pitanja koja procjenjuju ulogu zakonodavne vlasti i ureda za reviziju u budžetskom procesu. Dodatna 83 pitanja koja se ne boduju, i koja ne ulaze u finalni rezultat, pomažu da se kroz istraživanje prikupe pozadinske informacije o ključnim budžetskim dokumentima i istraže različite karakteristike vođenja javnih finansija u svakoj pojedinoj zemlji.

Da bi se dokumenti smatrali javno dostupnim (i bili uzeti u obzir za bodovanje) prema metodologiji OBS-a oni moraju zadovoljiti minimalne kriterije koji se odnose na **sadržaj, dostupnost i pravovremenost**.

Osim vremenskog okvira u kojem dokumenti moraju biti objavljeni (pravovremenost), dokumenti moraju ispuniti i kriterij dostupnosti koji podrazumijeva:

1. Budžetski dokumenti moraju biti objavljeni na službenoj internet stranici tijela (institucije) koja ih izrađuje
2. Budžetski dokumenti moraju biti dostupni besplatno

Ispunjavanje ovih kriterija osigurava da javnost, organizacije civilnog društva, mediji, i drugi zainteresirani pojedinci ili grupe imaju nediskriminiran pristup originalnim budžetskim dokumentima.

Open Budget Survey – Preporuke za poboljšanje budžetske transparentnosti i odgovornosti u BiH

U skladu sa preporukama OBS 2021 izradili smo preporuke za proces budžetiranja koje se odnose na nivo BiH za Ministarstvo Finansija BiH. Preporuke detaljno ulaze u sadržaja osam ključnih budžetskih dokumenata, kao i konkretne prijedloge i praktične preporuke za njihovo unapređenje.

<https://www.cpi.ba/wp-content/uploads/2023/07/Preporuke-za-pobolj%C5%A1anje-bud%C5%BEetske-transparentnosti.pdf>

Internacionalna dobra praksa vođenja javnih finansija nalaže da vlada obavljuje osam klučnih dokumenata u budžetskom procesu, kako u fazi planiranja i usvajanja budžeta, tako i u fazi izvršenja i nadzora budžeta. Kao osam klučnih dokumenata u budžetskom procesu detektovani su: **nacrt budžeta, prijedlog budžeta, usvojeni budžet, budžet za građane, kvartalni izvještaji o izvršenju budžeta, polugodišnji pregled budžeta, godišnji izvještaj o izvršenju budžeta, revizorski izvještaj**.

Svaki od ovih dokumenata smatra se presudnim za budžetsku transparentnost, i zajedno daju informaciju o vladinim prioritetima i prijedlozima, izvršenim rashodima i stvarnim prihodima, i završno računovodstvo vladinog upravljanja javnim sredstvima za budžetsku godinu.

OBS 2021 - Transparentnost – 32/100

Budžet za građane - Objavljen kasno - Mora biti objavljen u istom vremenskom okviru kada i dokument na koji se Budžet za građane referira;

U 2020.g. Institucije BiH objavile su Budžet za građane koji se referira na Usvojeni budžet za 2020., ali je ovaj dokument objavljen kasno u odnosu na vremenski okvir koji je definiran metodologijom OBS istraživanja. Budžet za građane objavljen je skoro pet mjeseci nakon što je Budžet za 2020. godinu usvojen od strane Parlamentarne skupštine BiH.

Kvartalni izvještaji o izvršenju budžeta - Objavljeni kasno - Moraju biti objavljeni ne više od tri mjeseca nakon završetka perioda na koji se odnose.

U ciklusu istraživanja OBS 2021. dva od četiri kvartalna izvještaja o izvršenju budžeta objavljena su kasno u odnosu na vremenski okvir definiran OBS metodologijom. Da bi se smatrali javno dostupnim najmanje tri (od četiri) dokumenta moraju biti objavljena u skladu sa vremenskim okvirom definiranim OBS metodologijom.

Polugodišnji pregled budžeta - Nije sačinjen - Mora biti objavljeni ne više od tri mjeseca nakon završetka perioda na koji se odnose, tj. mora biti objavljen tri mjeseca nakon završetka polovine fiskalne godine.

Na nivou Institucija BiH do sada nije postojala praksa objave ovog dokumenta.

OBS 2021 - Učešće javnosti 9/100

Sama transparentnost je nedovoljna za poboljšanje državne uprave. Učešće javnosti u budžetiranju je ključno za ostvarenje pozitivnih rezultata koji su povezani sa većom transparentnošću budžeta.

Istraživanje o otvorenosti budžeta (OBS) također procjenjuje formalne prilike koje stoje na raspolaganju javnosti da na smislen način učestvuje u različitim fazama budžetskog procesa. Proučava prakse izvršne vlasti, zakonodavne vlasti i ureda za reviziju, koristeći 18 podjednako bitnih indikatora koji su uskladeni sa principima o učešću javnosti [Globalne inicijative za fiskalnu transparentnost](#), te na osnovu kojih se svakoj zemlji dodjeljuje ocjena na skali od 0 do 100.

Rezultat Bosne i Hercegovine koji se odnosi na učešće javnosti je 9 (od 100 poena).

⇒ Regionalno poređenje učešća javnosti

- Svjetski prosjek - 14
- Hrvatska - 17
- Slovenija - 11
- **Bosna i Hercegovina - 9**
- Albanija - 6
- Sjeverna Makedonija – 6
- Srbija – 2

Preporuke za poboljšanje učešća javnosti u budžetskom procesu

Da bi dodatno ojačalo učešće javnosti u budžetskom procesu Ministarstvo finansija i trezora BiH treba dati prioritet sljedećim akcijama:

- Testirati mehanizme koji će omogućiti uključivanje javnosti tokom formulacije i implementacije budžeta.
- Aktivno se uključiti u razmatranje potreba ranjivih i najugroženijih kategorijama stanovništva direktnim putem, ili putem organizacija civilnog društva koje ih zastupaju.

Parlamentarna skupština BiH, pored toga što održava sjednice na kojima se razmatra budžet i koje su otvorene za javnost, trebala bi dati prioritet sljedećim akcijama:

- Omogućiti javnosti i predstavnicima civilnog društva da aktivno učestvuju u raspravama tokom razmatranja Prijedloga budžeta, prije njegovog usvajanja.
- Omogućiti javnosti i predstavnicima civilnog društva da aktivno učestvuju u raspravama tokom razmatranja revizorskih izještaja.

Ured za reviziju institucija BiH, pored toga što je uspostavio mehanizme koji omogućavaju uključivanje javnosti u kreiranje godišnjeg plana revizije, trebao bi dati prioritet sljedećim akcijama:

- Uspostaviti formalne mehanizme koji će omogućiti javnosti da doprinese relevantnim revizorskim istragama.

Nadziranje budžeta 57/100

Istraživanje o otvorenosti budžeta ispituje ulogu koju zakonodavna tijela i vrhovne revizorske institucije imaju u budžetskom procesu, i u kojoj mjeri su u stanju ostvariti efikasan nadzor nad budžetom. Na osnovu 18 podjednako bitnih indikatora svakoj zemlji dodjeljuje se ocjena na skali od 0 do 100. Osim toga, OBS prikuplja dodatne informacije o nezavisnim fiskalnim institucijama.

Parlamentarna skupština BiH i Ured za reviziju institucija u Bosni i Hercegovini, zajedno pružaju ograničen nadzor tokom budžetskog procesa, sa zbirnim rezultatom za nadzor od 57 (od ukupno 100 poena). Kada se odvojeno posmatra u kojoj mjeri ove institucije ostvaruju nadzor nad budžetom, rezultati su sljedeći:

⇒ Nadzor od strane Parlamentarne skupštine BiH
Slab

Nadzor Ureda za reviziju
Adekvatan

Slab: 0-40; Ograničen: 41-60; Adekvatan: 61-100

Preporuke

Parlamentarna skupština BiH (PSBiH) pruža slab nadzor nad budžetskim ciklusom u fazi planiranja i tokom izvršenja budžeta. Kako bi se poboljšao nadzor nad budžetom, trebao bi se dati prioritet sljedećim akcijama:

- Osigurati da Prijedlog budžeta bude dostavljen PSBiH najmanje dva mjeseca prije početka budžetske godine.
- Osigurati da zakonodavne komisije redovito razmatraju i analiziraju Prijedlog budžeta, te da zaključke svojih analiza objavljuju online.
- Osigurati da PSBiH usvoji budžet prije početka budžetske godine na koju se odnosi.
- Osigurati da zakonodavne komisije redovito razmatraju i analiziraju Kvartalne izvještaje o izvršenju budžeta, te da zaključke svojih analiza objavljuju online.
- Osigurati konsultacije sa zakonodavcem (PSBiH) prije nego Vlada prebaci sredstva administrativnim jedinicama drugaćije nego je to predviđeno Usvojenim budžetom ili prije nego potroši vanredne prihode.

Samo otvorenost budžetskog procesa i jasno i razumljivo izvještavanje o prikupljanju i potrošnji javnog novca može osigurati uključenje aktivnih građana u budžetske procese i povećanje povjerenja javnosti prema organima vlasti. Osim pozitivnih učinaka na kvalitet upravljanja, budžetska transparentnost donosi i značajne finansijske koristi državi. Države s transparentnjim budžetom imaju bolji pristup međunarodnim finansijskim tržištima i niže troškove zaduživanja.

MONITORING JAVNIH NABAVKI

“Pratimo tendere”

Tokom 2023 godine izvršene su redovne aktivnosti monitoringa javnih nabavki od objave do realizacije. Radi se o monitoringu nabavki većih vrijednosti, te se detaljno prate indikatori koji ukazuju da li je postupak napravljen tako da pogoduje određenom ponuđaču. CPI je okončao 2023 ciklus praćenja sa ukupno 230 javnih nabavki.

Monitoring javnih nabavki se provodi s ciljem da se građanima i javnosti otkrije kako javne institucije, ustanove, preduzeća i organi vlasti troše novac, da li je osigurano zakonito, transparentno, svrsishodno i antikoruptivno ulaganje javnih finansijskih sredstava.

Sudjelovali smo u kreiranju i predstavljanju izvještaja o rezultatima praćenja 3435 postupaka javnih nabavki, ukupne vrijednosti 590.197.863,75 KM (bez PDV), u periodu 01.10.2022.-30.09.2023. godine. Rezultati su prikupljeni i analizirani putem portala Pratimo tendere (www.pratimotendere.ba)

Ovogodišnji rezultati monitoringa bilježe trend smanjenja ukupnog broja rizičnih nabavki - 77%, u odnosu na godinu ranije (oktobar 2021-septembar 2022) – 90%. Ovi pozitivni statistički trendovi se mogu tumačiti kao rezultat izmjena Zakona o javnim nabavkama (stupio na snagu 10.decembra 2022.), koje su donijele nekoliko poboljšanja na polju jačanja transparentnosti.



Kompletan izvještaj objavljen 11.12.2023:

<https://pratimotendere.ba/bs-Latn-BA/articles/5921/77-r-i-z-i-c-n-i-h-n-a-b-a-v-k-i-547-miliona-k-m-potroseno-koruptivno-i-netransparentno>

ANALIZE

“Nalazi početnog izvještaja o unutrašnjoj inspekciji”

Kao podrška osnovnim aktivnostima u partnerstvu sa Transparency International BiH izradili smo i objavili: “Nalaze početnog izvještaja o unutrašnjoj inspekciji”.

Složen administrativni sistem Bosne i Hercegovine se reflektuje na trenutni sistem inspekcijskog nadzora. Iako je formiranje samostalnih entitetskih inspekcijskih organa (Federalna uprava za inspekcijske poslove i Inspektorat Republike Srpske), a zatim i u većini kantona formiranje kantonalnih uprava za inspekcijske poslove, dovelo do efikasnijih i kvalitetnijih nadzora, ostalo je mesta za unaprijeđenje, naročito kada je u pitanju korištenje digitalnih sistema poput e-Inspektora.

U Bosni i Hercegovini inspekcijski organi su organizovani većinski na funkcionalnom principu, odnosno inspekcijski poslovi su izdvojeni u poseban, samostalan organ uprave. Trenutno su to: Inspektorat Vlade Brčko distrikta BiH, Inspektorat Republike Srpske i Federalna uprava za inspekcijske poslove, te osam kantonalnih uprava za inspekcijske poslove, dok dva kantona u FBiH nemaju uprave organizovane na funkcionalnom principu, Srednjobosanski kanton i Hercegovačko-neretvanski kanton, u kojima su inspekcije u sastavu nadležnih ministarstava. Ova organizacija proizilazi iz entitetskih zakona i zakona distrikta, preciznije Zakona o inspekcijama u FBiH, Zakona o inspekcijama u Republici Srpskoj, te Zakona o inspekcijama Brčko distrikta BiH, kao i kantonalnih zakona o inspekcijama.

Organizacijom na funkcionalnom principu postiže se jednostavnije i efikasnije planiranje i realizacija rada, lakša i efikasnija komunikacija između različitih inspekcijskih tijela, kao i potpunije izvršavanje zakonskih obaveza i drugih propisa.

Kompletan analiza dostupna je na:

<http://www.cpi.ba/nalazi-pocetnog-izvjeta-o-unutrasnjoj-inspekciji/>

RAD U ZAJEDNICI

<https://www.cpi.ba/centar72/>

<https://centar72.ba/tuzla/>

<https://centar72.ba/zenica>

Prepoznavajući problem nedovoljnog rada s lokalnim zajednicama, Fondacija CPI je sa gradovima Zenica i Tuzla pokrenula projekt Centar 72 kao platformu za komunikaciju između građana i nadležnih gradskih i opštinskih službi koju smo tokom 2023 moderirali i održavala.

Tokom 2023 objavili smo i uputili na dalje postupanje 502 zahtjeva građana.

The screenshot shows the Centar 72 website for Tuzla. At the top, there's a navigation bar with the logo, a search bar, and links for STATISTIKA and PRETRAGA. Below the header, there's a banner with the text "Surađujem s mojim gradom". The main content area is divided into several sections: "U proceduri" (orange) for "KVAR NA RASVJETNIM TIJELIMA DRUGAVCI", "NEZAKONITE RADNJE", "PARKING PROSTOR", and "RASVJETA NA MOSTOVIMA"; "NEGOVANE RASVJETE" (green) for "ČIŠĆENJE OBALA RIJEKE BOSNE", "GRADSKI DISPLAYI", "NEPROPISNO PARKIRANJE VOZILA", and "NEPROPISNO, BEZOZRINUO I BAHATO PARKIRANJE"; and "JAVNA RASVJETA" (blue) for "ODGOVORENO", "PRIJAVA KUĆNA INSTALACIJA", and "CONOŠENJE SMEŠTAJA". Each section includes a small image and a status indicator.


The screenshot shows the Centar 72 website for Zenica. At the top, there's a navigation bar with the logo, a search bar, and links for STATISTIKA and PRETRAGA. Below the header, there's a banner with the text "Surađujem s mojim gradom". The main content area is divided into two main sections: "KAKO PRIJAVITI PROBLEM U GRADU??" (left) and "POSLEDNJI PRIJAVLJENI PROBLEMI (2504)" (right). The left section has a large red button "PRIJAVITE PROBLEM SVOM GRADU!". Below it are instructions: "POPUNITE KRATKI FORMULAR", "OZNAČITE MJESTO NA MAPI", "POSTAVITE FOTOGRAFIJU", and "U ROKU OD 3 RADNA DANA, GRADSKA ADMINISTRACIJA ODGOVARA NA VAŠU PRIJAVU". The right section shows a grid of recent reports: "BAZEN SLAVINOVICI", "STUPINE - DISKRIMINACIJA PO PITANJU PARKINGA", "RUPE NA CESTI.", and "ODLAGANJE GRAĐEVINSKOG OTPADA". Each report item includes a small image and a status indicator.

ZAGOVARANJE



CPI kroz svoje projektne i vanprojektne aktivnosti zagovara uvođenje zakona o zaštiti zviždača na Federalnom nivou, te također aktivno radi sa akademskim osobljem Fakulteta političkih nauka u Sarajevu kako bi temu približili studentima. CPI je dio koalicije za zaštitu zviždača za Jugoistočnu Europu. Članstvo u koaliciji podrazumijeva da nam se zviždači mogu obratiti, tj. da smo kontinuirano na raspolaganju a aktiviramo se kada je to potrebno. <https://see-whistleblowing.org/>.

U saradnji sa Fakultetom političkih nauka (FPN) iz Sarajeva i Centrom za demokratske i vladine studije iz Tirane (CSDG – Albanija), te uz tehničku podršku 5D Studija, u mjesecu decembru 2023 godine organizovali smo panel: “Priče heroja.” Održani panel predstavlja nastavak saradnje koju CPI i Fakultet političkih nauka, uz podršku CSDG-a, realiziraju već treću godinu za redom s ciljem da se tema prijavitelja korupcije, odnosno zviždača, približi studenticama i studentima, ali i široj zainteresovanoj publici. Na panelu je gostovao Emir Mešić, zaštićeni prijavitelj korupcije, koji je studenticama i studentima predstavio svoje iskustvo od uočavanja korupcije do danas, uključujući sve probleme i izazove sa kojima se susretao kroz cijeli proces, kao i načine prijave uočene korupcije. Snimak panela je dostupan na YouTube kanalu CPI fondacije, i može se pogledati na linku: https://www.youtube.com/watch?v=nf0kFr-6Qyk&ab_channel=FondacijaCPI



RADIO DRAMA

“Ibret”

U želji da upotpunimo kvalitet medijskog sadržaja, posebno radijskog programa kreirali smo, snimili i producirali radio dramu „Ibret“ čije epizode tematiziraju važne oblasti – upravljanje, slobodu izražavanja, borbu protiv lažnih vijesti, reformu javne uprave, učešće civilnog društva u donošenju odluka i borbu protiv sive ekonomije. 19.12.2023. okupili smo se u Fondaciji CPI, razgovarali o kreativnom procesu nastanka drame i radujemo se što ćemo vam priuštiti povratak u zlatno doba kada je bilo dovoljno zatvoriti oči i osloniti se na kvalitetne dijaloge, muziku, zvučne efekte i pustiti mašti da vizualizira. Projekat snimanja radio drame “Ibret” je podržan Creative Box grantom regionalnog projekta SMART Balkan – Civilno društvo za povezan Zapadni Balkan kojeg implementira Centar za promociju civilnog društva (CPCD) BiH, Center for Research and Policy Making (CRPM) Sjeverna Makedonija i Institute for Democracy and Mediation (IDM) Albanija, a finansijski podržava Ministarstvo vanjskih poslova Kraljevine Norveške.



NAŠE TEMELJNE VRIJEDNOSTI:

- Kreativnost

CPI Fondacija u svom strateškom i operativnom radu uvodi nove metode i pristupe posebnu pažnju obraćajući na nove kreativne načine prezentacije rezultata svog rada široj javnosti.

- Posvećenost

Zajedničko razumijevanje misije i vizije Fondacije, kako od strane menadžmenta tako i kompletног osoblja, a što rezultira da svi u skladu sa svojim obavezama i odgovornostima doprinose ostvarivanju misije i vizije organizacije.

- Profesionalnost

Jedna od temeljnih vrijednosti kojom se rukovodi Fondacija jest uspješna implementacija projekata u skladu sa zadatim rokovima, osiguravajući najveću razinu profesionalnih standarda i tačnost prezentiranih podataka i rezultata rada.

- Transparentnost i odgovornost

Fondacija sprovodi principe transparentnosti i odgovornosti kako u samim internim procedurama, tako i svom radu.

- Suradnja i timski rad

Posebnu pažnju fondacija pridaje investiranju u dugoročne partnere i mreže na nacionalno i internacionalnom nivou koristeći sinergiju za dalje unapređivanje naših ciljeva.

- Poticanje i osnaživanje

Jedna od glavnih vrijednostima kojima se rukovodimo jest osnaživanje građanske participacije i poticanje jačanja odgovornog javnog sektora.

- Proaktivnost

Konstantno identificiramo nove izazove, područja rada i moguća rješenja.

- Primjena inovativnih tehnologija

U našem radu osiguravamo konstantno praćenje i usvajanje inovativnih tehnologija u obradi i prezentiranju podataka.

- Prilagodljivost

Odvajamo dio resursa za eksperimentiranje sa novim područjima i tehnologijama za koje u ovom trenutku ne znamo ili se tek pojavljuju. Npr. Internet of Things kao alat za optimizaciju i kontrolu javne potrošnje, kreiranje medijskih sadržaja i multimedijalnih igara.